



Broj: JN1/03-50-5-40/24  
Sarajevo, 21.06.2024. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14i 59/22), na preporuku Komisije za javne nabavke (u daljem tekstu: Komisija) broj: JN1/03-50-5-40/24 od 30.05.2024. godine, direktor Centra za uklanjanje mina u Bosni i Hercegovini-BHMAC (u daljem tekstu: Ugovorni organ), donosi:

## ODLUKU

**o izboru najpovoljnijeg ponuđača u postupku javne nabavke goriva za potrebe BH MAC-a**

### Federacija Bosne i Hercegovine

#### Član 1.

##### (Predmet odluke)

Prihvata se preporuka Komisije broj: JN1/03-50-5-40/24 od 20.06.2024.. godine i ugovor za javnu nabavku goriva za potrebe BHMAC-a za lokaciju Federacija Bosne i Hercegovine dodjeljuje najpovoljnijem ponuđaču:

„Hifa“ d.o.o. Tešanj za ponudenu cijenu u iznosu od 152.000,78 KM bez PDV-a, odnosno 177.840,91 KM sa PDV-om.

#### Član 2.

##### (Dostavljanje dokumentacije)

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji (član 45.stav 2. Zakona).

#### Član 3.

##### (Objava odluke)

Ova odluka objavit će se na web-stranici BHMAC-a, [www.bhmac.org](http://www.bhmac.org), istovremeno s upućivanjem iste ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

#### Član 4.

##### (Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

## **OBRAZLOŽENJE:**

Postupak javne nabavke pokrenut je Odlukom o pokretanju postupka javne nabavke goriva za potrebe Centra za uklanjanje mina u BiH/BHMAC broj: JN1/03-50-5-40/24 od 17.05.2024. godine. Postupak javne nabavke je sproveden putem otvorenog postupka uz zaključivanje okvirnog sporazuma u trajanju od 24 mjeseca. Procijenjena vrijednost nabavke iznosi 155.893,33 KM bez PDV-a odnosno 182.395,20 KM sa PDV-om. Obavještenje o nabavci je objavljeno na Portalu javnih nabavki broj: 1407-1-1-14-3-25/24 od 28.05.2024. godine.

Rješenjem broj JN1/03-50-5-40/24 od 30.05.2024 godine imenovana je Komisija za provođenje postupka javne nabavke goriva za potrebe Centra za uklanjanje mina u BiH/BHMAC (DIZEL BAS EN 590 (10 ppm) i benzin BMB 95 BAS EN 228 za potrebe Centra za uklanjanje mina u BiH-BHMAC).

Krajnji rok za dostavljanje ponuda je bio 19.06.2024. godine u 09:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 09:30 sati što je konstatovano Zapisnikom sa otvaranja ponuda broj: JN1/03-50-5-40/24 od 19.06.2024.godine, a u istom je utvrđeno da je za ovaj postupak javne nabavke:

- ukupan broj pristiglih ponuda, dvije ponude;
- ukupan broj blagovremeno pristiglih ponuda, dvije ponude;
- nije bilo neblagovremeno pristiglih ponuda, i
- nije bilo prisutnih predstavnika ponuđača.

Nadalje, do roka koji je određen za dostavljanje ponuda tenderskom dokumentacijom, pristigle su sljedeće ponude, prema redoslijedu zaprimanja:

1. Ponuda JN1/03-50-5-40/24 pod rednim brojem 1 ponuđača Hifa d.o.o. Tešanj i
2. Ponuda JN1/03-50-5-40/24 pod rednim brojem 2 ponuđača Energopetrol dd Sarajevo

Nakon izvršenog otvaranja ponuda i čitanja cijena, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija je utvrdila da je ponuda „Hifa“ d.o.o Tešanj prihvatljiva.

Ponuda dobavljača „Energopetrol“ dd Sarajevo nije u skladu sa zadatim dokazima iz tenderske dokumentacije, kako je navedeno u tenderskoj dokumentaciji shodno članu 7.3 u svrhu dokazivanja tehničke i profesionalne sposobnosti ponuđači trebaju ispuniti sljedeće uslove iz člana 49.ZJN.

- a) Raspoloživost najmanje jedne benzinske pumpe koja ima radno vrijeme najmanje od 00-24 ( 7 dana u sedmici), a koja ima u ponudi tečna goriva koja su predmet ove nabavke za područje Federacije BiH gradovi Sarajevo, Mostar, Tuzla, Travnik,Bihać.

U skladu sa gore navedenim dokazom, ponuda dobavljača „Energopetrol“ dd Sarajevo nije ispunila sljedeće:

- Za područje grada Mostara, nema niti jednu pumpu koja radi od 00-24, što nije u skladu sa Tenderskom dokumentacijom i uslovom iz člana 49.ZJN članu
- Za područje grada Tuzla, nema pumpu koja radi 00-24 sata, samo u Živinicama, što nije u skladu sa Tenderskom dokumentacijom i uslovom iz člana 49.ZJN članu



- Za područje grada Travnik, nema niti jedna pumpa koja radi od 00-24 sata, što nije u skladu sa Tendenskom dokumentacijom i uslovom iz člana 49.ZJN članu Komisija u svom daljem radu je konstatovala da je ponuda dobavljača „Energopetrol“ dd Sarajevo neprihvatljiva iz gore navedenih razloga, ne ispunjava kriterijume za kvalifikacije.

U skladu s tačkom 6. predmetne tenderske dokumentacije, Ugovorni organ je predvidio provođenje e-aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“ broj 80/23), međutim kako je ostala samo jedna prihvatljiva ponuda, e – aukcija nije zakazana niti provedena.

Izabrani ponuđač „ Hifa“ d.o.o Tešanj, ocijenjen je kao najpovoljniji prema kriteriju „najniža cijena“ u ukupnom iznosu od 152.000,78 KM bez PDV-a, a sa uračunatim PDV-om 177.840,91 KM.

Komisija za javnu nabavku je direktoru dostavila Izvještaj o radu komisije koji je ujedno Zapisnik o pregledu i ocjeni ponuda broj: JN1/03-50-5-40/24 od 20.06.2024. godine s preporukom da za ovaj postupak javne nabavke goriva za lokaciju Federacija Bosne i Hercegovine donese odluku o dodjeli ugovora za nabavku goriva za potrebe BHMAC-a prvorangiranom ponuđaču „Hifa“ doo Tešanj.

Direktor u provedenom postupku ocjene ponuda nije našao nepravilnosti ni propuste u radu komisije, te je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima.

S obzirom na navedeno, odlučeno je kao u članu 1. Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi u dovoljnom broju primjeraka, a koji ne može biti manji od tri.

PO OVLAŠTENJU V.D. DIREKTORA

v.d. Pomocnik direktora za podršku i finansije

Biljana Ristić

